


Alao guai khang Baibal Kaipat ti Louc Mei



TINGKAO, Raguang tuang Hougai Mei Kai



Hime: Edward Hughes
Kaba Dinv Louc Mei: Lazarus

Hanc Pat Louc Mei: Katsin Kamei
Kaluan Kasiamv Louc Mei: Sarah S.

Pary 60 tuang 60

www.M1914.org

Bible for Children, PO Box 3, Winnipeg, MB R3C 2G1 Canada
Nu Lou Mei: Nang rui juanv khang ham mak ge thei nam pat dat lana sin su nu e.

Rongmei

Jisu rui kandi khou lung bam mei gan khou kaziab
nun guai khou Tingkao Guangdi lam din lou khuane.
Jisu rui 'APU KAI' tuna kao khuane. Kumna apu
kai thang bam pei na nai e tuna
sa e. Mi kai tei pei na dai
e khatnic hougai mei kai
e tuna Jisu rui sa e.



Tingkao kandi tei mi kandi-mbaan khang
suang dai nic dai e, hou nic hougai e.

1

Ai aPu kai thang bam cham daan khang tat nic he, Ai
rui tat lana bam cham daan luai ethei, Ai rui guang
dat lana nang niu ta mi bam thang tei phung ku lou
puni.




2

Kumna Ai bam pui bam khou tei nang niu nic bam puni tuna Jisu rui sa the. Jisu thei mei khou rui ring thao na Tingkao tat kan the. Kaziab nun rui jao na bam khou, Jisu ta muang ru khou phung ku kan the.




3

Mi khou tei rui thao na Khristian mei guai thu Jisu Khrista khou lum mei guai ta la khang Jisu guang dat puni tuna ning tou bam tu e. Thai mak daek pui gan khou Ai guang dat punni tuna Jisu rui kadi lou e.



4


Kum ethei Jisu Khrista guang mak mei hu khou kakhou lum lou mei-Khristian mei guai kapanti tat re thei akum puni cho? Baibal/Bible rui nthan na din lou the. Jisu khou lum lou mei guai tho panti tat rei ethei Jisu le lung ncham khang Tingkao tat the. Kumna lum lou mei guai tho thei ethei Jisu pam njuan kan ni the.



5

Nkham liang mei Baibal/Bible buk lang NDAOLOUMEI khou Tingkao tho charin mei kandi e tuna hi lou e. Nthuk liang mei tho Tingkao hei Raguang Kai e. Raguang thu kabam kathui nac

khou bam de tiki
TINGKAO hei
KAKAI e.




6

Mi Tingkao khou tei Baanchra guai rui Raguang ta kalum bam khuane. Khou tei Raguang mei guai nic, Jisu khou lum lou na thei kan mei guai nic kaniu lu-than suan na Raguang ta thuan bam khuane.




7

Jisu khou lum mei nun nic thei mak na bam khou Jisu guang ethei, thei dat mak na guatli na muang ru khou Jisu ta ariu puni. Kumna Tingkao khou tei lum lou mei nun nic tingsang lung khang gut puni.




8

Lu- khat, Nang hei biu mei e, kalam thu jaat kapum khou rui Nang zei rui gu lou mei la tou khang thuak pat lou the. Raguang khou Nang rui GUANG khatnic MU ti su lou the tuna suane (Ndauloumei 5:9).




9

Nkham liang mei Baibal/Bible kalang khou 'TINGKAO' ta Kathan mei JERUSALEM tuna nic kao e. Mi tei pei na dai e khatnic kaov e. Khou tei haeng jin mei, haeng rim mei khatnic kachan mei tao pei na nai e.




10

Kachak le tao kariu pat mei rui kasiam lou mei kai e. Damngaeng guai tei kariu ti e. Kumna kaimun guai tei kachaek rui su e.




11

Hei khou tei kachaek rui kasiam mei raengmun tabui nung na sinic bang dat jat lak khe. Thang tei aniu nic tat di kho... WoW! Tingkao hei kalung thang gai ran e. Mi Tingkao-Kathan mei Jerusalem kai khatnic chang guai hei kachaek rui kasiam e.




12

Khou tei nthan mei Ringmei dui Raguang Bampaeng khou rui luang pat khuane. Kumna dubaek khat biak thang tei Ringmei Thingbang thao khuane. Mi tei thaurei khou Eden Pikuan khou nai mei thingbang tei e.




13

Mi thingbang tei kadat khat-khat mei thingbange. Kathai kajat runa kanei thai e. Bu pum kathai bai-bai na thai khuane. Kumna kanui tei sunuv-naonian mei ta tikuak-tigai e.




14

Mi Tingkao Kaidai khou tei Bu, Nei, Gaanchuangna kariu kage mak khe. Raguang tuang Him, Laojiu na rui kariu padik puni. Khou tei zingbang nic mak khe.



15

Tingkao thang tho khouring-khoua guai nic bai ngam the. Mansei ta duangda su puni the. Alai le Laojiu phuai tu kariu puni the, Kamangliangpui nic guaiv kum napgou tu puni the. Nthan mei Zion luangbut khou kabiu-kabang mei nai dat lak khe tuna Raguang rui sa e.




16

Aniu rui jao siang na kathai jao puki TINGKAO kandi khou ramv gaatmei, nai tang mak mei nai e. Nang thai bu cho? Mi kiu thu Tingkao kandi khou Lungpuam mei mak khe.



17

Agai-agi mei nic mak khe, lungning si mei nic mak khe, kaikhram ni taan/bang dat mak khe kalam thu Tingkao khou kaihou mei makge. Lat saraam mei, meidou mei, duai-rang sin mei khatnic mei gai mak mei mak khe. Khou tei pap tu mei mak khe.



18

Tingkao khou thu mikdui kei mei nic nai dat lak khe. Kadak-kadak, Raguang nac nun, kakhou lum lou mei guai kandi khou tho lungning rianra na kap be tiki Tingkao thang thu kap mei nai dat lak khe. Raguang rui mikdui guai thut phui lou puni.




19

THEIMEI tumei Tingkao thang mak khe. Raguang nac nun-Jisu khou lum lou mei guai na tei Tingsang jang Raguang le lung ncham puni the. Rianra mei, kapmei, sunu mei nic mak khe. Chunsi-mikdui kei mei ni nai dat mak khe. Khou tei Tingsang jang Raguang le neila na lung ncham bam puni.




20

Gailiang mei, neila liang mei kiu thu hei e. Tingkao khou thu karapou-karapei nai dat mak khe. Mansei kaguai na n-gaan, tunac chabuan kum ngam puni. Mi tei tuna gay mei, n-gan gay mei nang niu Jisu Khrista ta nang Raguangc, nang Kaipou, Guloumei pu the tuna lum lou na kalat piu bam mei guai khange.



21

Tingkao khou 'LAOJIU LAONA TUANG RINGMEI LATRIK BUK' tuna nai e. Mi khou tei jan pei na hi lou e. Mi khou tei thou thou jan cho tumei nang thai de cho? Khou tei Jisu Khrista ta katuang gulou mei pu ka Raguang the tuna lum lou mei guai jan na khang de. Nang jan nic nai tu ni jao lou o. Mak di na cho? Tabui suna mak bam tu cho? Nang nic Tingsang jang ring nic mak na cho?



22

Nang nic tingsang jang rianra thei mei khou gut ni mak ge thei, guang tho tuna nang ta kao na bam the. Nkham mei Baibal/Bible lat khou BUMANG khatnic NOUPOU rui 'guang tho' tuna sa e.



23

Chu mei kathui rui guang kan diu, tari mei kathui rui guang kan diu khatnic kahao mei kathui rui guang kan diu. Kumna Ringmei dui tei nsa na guang la tho.



24

TINGKAO, Raguang tuang Hougai Mei Kai

Raguang tuang lat khou rui Pary,

Baibal/Bible khou rui phange

Jahon 14; 2 Korinthia 5;
Ndauloumei 4, 21, 22

"Nang lat akhou gut lou khou rui gaan mei ti lou e." Kalumlu 119:130

Aniu rui si mei taan lou mei guai na ta Raguang rui thai e. Mi ta tei pap tuna kao e. Pap tuang taanphi thu thei mei e.

Raguang rui nbaan ta hei di kam njian lou lou na Kana Mpou khatna mei ta kros khou nang pap jang nang phaen thei lou khang ndiu kei lou the. Kamei thei lou na Ringthao dat na Tingkao tat kan the. Nang rui kakhou lum lou na nang pap guai kuak lou khang nei ethei, kamei rui guang lou na nang pap kuak lou puni.

Nang, pap khou rui kalai na duak pat ni ethei, Raguang khou kalum tho. Njianmei RAGUANGC, Jisu rui apap jang thei lou na rignthao dat kan mei ta Ai lum the. Alung khou gut lou na apap guai kuak lou o. Kum ethei Ai ni panti kathan suna lung nu khang, nang le Tingsaeng Ringsuang mei panti khou lung ncham khang. Nang khang suna apanti hei lung khang khatnic nang na su khang nkha lou o. Jisu jan khou nei e. AMEN.

Baibal Tingmikpum pana RAGUANG ta kachu o.